

HARIS HODŽIĆ, dipl. oec.
Vijećnik Općinskog vijeća Zavidovići

Na osnovu člana 58. stav 2. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/2014, 9/2014, 8/2018, 8/2019 i 4/2021), kao pismeno ovlašteni predstavnik 11 vijećnika Općinskog vijeća Zavidovići (više od 1/3 vijećnika Općinskog vijeća Zavidovići)

S A Z I V A M

8. (VANREDNU) SJEDNICU OPĆINSKOG VIJEĆA ZAVIDOVIĆI

Vanrednu Sjednicu sazivam za 26.08.2021. godine (Četvrtak) u 17:30 sati u Velikoj sali zgrade općinskih organa Zavidovići.

Za sjednicu predlažem:

DNEVNI RED:

1. Informacija o odsustvu javnosti sjednica Općinskog vijeća Zavidovići, (ne)poštivanju ugovorne obaveze sa elektronskim medijima o medijskoj prezentaciji rada organa lokalne uprave (emitovanju, reemitovanju, objavi na video kanalima snimaka sjednica Općinskog vijeća Zavidovići).

(izvjestilac: Hašim Mujanović/Nermin Čahtarević)

2. Informacija o postupcima izmjene Odluke o utvrđivanju naziva ulica, trgova, mostova i drugih građevina. Problematika zloupotrebe u prisvajanju nadležnosti predstavničkog organa građana pri aktivnostima na izmjeni navedene Odluke i medijske prezentacije aktivnosti izmjene naziva ulice.

(izvjestilac: Hašim Mujanović/Remzo Sinanović)

3. Informacija o (ne)organizaciji tradicionalne manifestacije „Ljeto u gradu“ 2021. godine.

(izvjestilac: Hašim Mujanović/Idriz Alihodžić)

4. Informacija o postupcima i procedurama donošenja Budžeta općine Zavidovići za 2021. godinu i Odluke o izvršenju Budžeta općine Zavidovići za 2021. godinu.

(izvjestilac: Hašim Mujanović/Džeraldina Miličević)

5. Analiza revizorskih izvještaja općine Zavidovići kao jedinice lokalne samouprave izvršenih od strane Ureda za reviziju institucija Federacije BiH.

(izvjestilac: Hašim Mujanović/Nermin Čahtarević)

***Napomena:** Molim Vas da poštujete utvrđene mjere epidemiološke zaštite, uz nošenje zaštitne opreme, držanja propisanog rastojanja i poštujete raspored sjedenja u Sali.*

Sjednici mogu prisustvovati samo osobe i sredstva informisanja kojima je upućen poziv za 8. (vanrednu) sjednicu Općinskog vijeća, kako bi zbog zaštite zdravlja prisutnih, odnosno primjene epidemioloških mjera i naredbi nadležnih organa, na sjednici bilo prisutno što manje lica/osoba.

OBRAZLOŽENJE

Grupa od 11. vijećnika Općinskog vijeća Zavidovići podnijela je 10.08.2021. godine zahtjev za sazivanje vanredne sjednice Općinskog vijeća Zavidovići. Sazivanje vanredne sjednice su tražili vijećnici Haris Hodžić, Ferid Kaknjašević, Igor Šimšić, Šemsudin Skejić, Hamdo Džinić, Adi Mahovac, Maja Bajramović, Šemso Fehrić, Admir Fojnica, Admir Mujkić i samir Skejić. Povodom navedenog zahtjeva za sazivanje vanredne sjednice Općinskog vijeća

Zavidovići održana je 11.08.2021. godine 8. (vanredna) sjednica Kolegija Općinskog vijeća Zavidovići na kojoj su bili prisutni Refik Ćatić, Hakija Bošnjaković, Ramiz Latifović, Mirsad Bečić, Haris Mujanović, Amer Avdičević i Haris Hodžić. Kolegij Općinskog vijeća Zavidovići je naš zahtjevu za održavanje vanredne sjednice Općinskog vijeća Zavidovići odbio sa 6 glasa protiv održavanja sjednice, 0 suzdržana glasa za održavanje sjednice i 1 glasa koji su bili za održavanje sjednice. Kako Član 59. Poslovnika o radu OV Zavidovići nalaže da Predsjedavajući Vijeća saziva sjednicu u skladu sa Statutom, Programom rada Vijeća, na prijedlog Općinskog načelnika ili 1/3 vijećnika i da je zahtjev 1/3 vijećnika za sazivanjem sjednice Općinskog vijeća odbijen od strane Predsjedavajućeg(zamjenika) na Kolegiju OV-a molim vas za poštivanje Poslovnika o radu i poduzimanje aktivnosti na sprovođenju i realizaciji Člana 58. Stav (2) Poslovnika o radu OV-a Zavidovići koji nalaže: „ U slučaju odbijanja predsjedavajućeg da sazove sjednicu Vijeća, sjednicu može sazvati njegov zamjenik, a ako to i on odbije, sjednicu može sazvati pismeno ovlaštenu predstavnik najmanje 1/3 vijećnika, uz stručnu pomoć sekretara Vijeća.

Na osnovu navedenog konstatujem da su ispunjeni uslovi iz člana 58. stav (2) Poslovnika o radu Općinskog vijeća Zavidovići da sjednicu Općinskog vijeća Zavidovići sazove 1/3 vijećnika Općinskog vijeća Zavidovići. Pismeno ovlaštenje za sazivanje sjednice Općinskog vijeća Zavidovići potpisalo je 11 vijećnika Općinskog vijeća Zavidovići što predstavlja više od 1/3 ukupnog broja vijećnika Općinskog vijeća Zavidovići.

Također napominjem da se radi o vanrednoj sjednici Općinskog vijeća Zavidovići, te u skladu sa članom 57. stav (5) Poslovnika o radu Općinskog vijeća Zavidovići sazivanje vanredne sjednice se može izvršiti mimo rokova utvrđenih istim Poslovníkom.

Prilog:

1. Zahtjev za održavanje vanredne sjednice Općinskog vijeća Zavidovići od 10.08.2021. godine,
2. Pismeno ovlaštenje za sazivanje vanredne sjednice Općinskog vijeća Zavidovići.

VIJEĆNIK
OPĆINSKOG VIJEĆA

Haris Hodžić, dipl. oec.

